



Framhaldslíftrygging hóplíftrygginga

Skilmáli H-3

Framhaldslíftrygging þessi er trygging fyrir þá sem áður voru í hóplíftryggingu. Um trygginguna gilda tryggingarskirteinið ásamt áritun og sérskilmálum, skilmálar þessir, almennir skilmálar félagsins nr. AS-1 og ákvæði laga um váttryggingarsamninga nr. 30/2004, hér eftir vsl. Ákvæði í skilmála þessum ganga framur ákvæðum í almennum skilmálum ef ekki er fullt samræmi þar á milli.

Grundvöllur tryggingarsamningsins er skilmálar þessir, upplýsingar á tryggingarbeiðni, gildandi verklagsreglur á hverjum tíma um áhættumat í persónuþryggingum og önnur gögn sem tengjast samningnum bæði við upprunalega gerð hans og síðar.

Skilgreiningar

Aðalgjalddagi: Aðalgjalddagi tryggingarinnar er einu sinni á ári og er fyrsti dagur þess mánaðar sem tryggingin tók upphaflega gildi í, nema um annað sé samið.

Aldurstengt iðgjald: Iðgjald tryggingarinnar er óháð kyni og er reiknað af tryggingarfjárhæð og hækkar þannig á hverju ári í samræmi við aldur þess tryggðs.

Félagið: Sá sem með samningi skuldbindur sig til að veita tryggingu, hér Vörður líftryggingar hf.

Réttthafi: Sá sem tryggingartaki tilgreinir í tryggingarsamningi og á rétt til þess að fá tryggingarfjárhæðina greidda eftir að tryggingaratburður hefur orðið.

Tryggingartaki: Sá sem gerir einstaklingsbundinn samning við félagið.

Tryggður: Sá einstaklingur sem tryggingin tekur til.

Tryggingaratburður: Atvik sem samkvæmt tryggingarsamningi veldur því að til greiðslu bóta getur komið.

Tryggingarskirteini: Staðfesting félagsins á því að tryggingarsamningur hafi verið gerður.

1. Kafli. Bótasvið

1. gr. Hvað bætir tryggingin?

Félagið greiðir réttthafa dánarbætur ef tryggður deyr á gildistíma tryggingarinnar.

2. gr. Hvað bætir tryggingin ekki?

Svipti hinn tryggði sig lífi innan árs frá því að tryggingin öðlaðist gildi, er félagið laust úr ábyrgð.

2. Kafli. Almenn ákvæði

3. gr. Hver er tryggður?

Sá einstaklingur sem tryggingin tekur til og skráður er á skirteini.

4. gr. Hvar gildir tryggingin?

Tryggingin gildir hvar sem er í heiminum.

5. gr. Gildistími

Ábyrgð félagsins hefst þegar félagið hefur móttekið ósk um framhaldstryggingu í kjölfar þess að tryggður fellur ekki lengur undir hóplíftryggingu hjá félaginu. Beiðni verður að berast félaginu innan þriggja mánaða eftir að tryggður hætti störfum. Tryggingin gildir frá útgáfudegi, sem tilgreindur er í tryggingarskirteini og til þess tíma sem tiltekinn er á tryggingarskirteini. Tryggingin endurnýjast eitt ár í senn. Félagið tryggir ekki einstaklinga yngri en 18 ára og gildir tryggingin ekki lengur en til 65 ára aldrs.

Tryggingartaki hefur 30 daga frest (iðrunarfrest) til að segja tryggingunni upp frá þeim tíma er honum barst tilkynning frá félaginu um gildistöku samningsins.

6. gr. Heimild tryggingartaka til uppsagnar tryggingunni

Tryggður getur sagt tryggingunni upp hvenær sem er á tryggingartímanum. Tryggingunni skal sagt upp skriflega.

Tryggingartaki skal greiða iðgjald fyrir það tímabil sem félagið er í ábyrgð samkvæmt tryggingunni.

7. gr. Bótagreiðslur samkvæmt tryggingarsamningnum

Við andlát tryggðs greiðir félagið rétthafa þá tryggingarfjárhæð sem í gildi er á andlátsdegi samkvæmt tryggingarskírteini.

Krafa um bætur eða tryggingarfjárhæð fellur í gjalddaga 14 dögum eftir að fullnægjandi sannanir hafa borist fyrir bótaskyldu félagsins og unnt er að ákveða fjárhæð bóttanna. Félagið áskilur sér rétt til þess að afla nauðsynlegra og fullnægjandi gagna áður en bætur eru ákveðnar og greiddar.

8. gr. Rétthafi tryggingarfjárhæðar

Hafi tryggingartaki ekki tilnefnt rétthafa tryggingarfjárhæðar gilda ákvæði XV. kafla vsl.

9. gr. Tryggingarfjárhæð, iðgjald og verðtrygging

Tryggingarfjárhæð kemur fram á skírteini eða endurnýjunarkvittun. Tryggingarfjárhæðir í þessari tryggingu fylgja þróun verðlags í landinu og breytast því samkvæmt vísitölu neysluverðs við hverja endurnýjun. Lækkun vísitölunnar hefur ekki áhrif til lækkunar á tryggingarfjárhæð né ársiðgjaldi. Frá 60 ára aldri lækkar tryggingarfjárhæðin um 4% fyrir hvert aldursár umfram 60 ár.

Fyrsta iðgjald fyrir tryggingu þessa er reiknað samkvæmt gildandi iðgjaldaskrá félagsins, miðað við tryggingarfjárhæð og aldur hins tryggða við gildistöku tryggingarinnar.

Iðgjald tryggingarinnar er óháð kyni, er reiknað af tryggingarfjárhæð og breytist á hverju ári í samræmi við aldur tryggðs.

Félagið áskilur sér rétt til að ákvarða endurnýjunariðgjald samkvæmt nýrri iðgjaldaskrá með hliðsjón af almennri áhættubreytingu og öðrum orsökum sem valda röskun á bótagrundvellinum, ef þessi atriði virka ekki til breytinga á tryggingarfjárhæð hins tryggða.

10. gr. Réttur til að endurvekja líftryggingu án nýrra heilsufarsupplýsinga

Hafi tryggingin verið í gildi í eitt ár hið skemmsta og ábyrgð félagsins fallið niður vegna vanskila, er heimilt að endurvekja trygginguna án þess að nýjar heilsufarsupplýsingar komi til ef vangoldið iðgjald er greitt innan þriggja mánaða frá því að 14 daga greiðslufrestur samkvæmt ítrekun rann út.

11. gr. Frestur til lögfræðilegra aðgerða

Hafni félagið kröfu um bætur í heild eða að hluta glatar sá sem telur sig eiga rétt til bóta þeim rétti, ef hann hefur ekki höfðað mál eða krafist meðferðar málsins fyrir úrskurðarnefnd innan árs frá því að hann fékk skriflega tilkynningu um höfnunina frá félaginu, sbr. 2. mgr. 124. gr. vsl.

Skilmálar þessir gilda frá 01.05.2025